

**Broj: UP1-06-13-1-60-05/20**  
**Mostar, 09.09.2020. godine**

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 17. i člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19), postupajući po Zahtjevu za izmjenu i dopunu dozvole za rad (licence) broj UP1-06-13-1-60/20 od 06.07.2020. godine podnosioca zahtjeva „ZLATA-TRANS“ d.o.o. Sarajevo, Semizovac, Nova cesta br. 12, Donja Vogošća, Semizovac, zastupanog po zakonskom zastupniku Amaru Kuli, u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-713/133/16, Regulatorna komisija za energiju u Federaciji Bosne i Hercegovine – FERK je 09.09.2020. godine na XV redovnoj sjednici donijela sljedeće

### **R J E Š E N J E**

1. Dozvola za rad (licenca) za transport naftnih derivata drumskim saobraćajem broj 06-03-713/133/16 izdata Rješenjem broj 06-03-713-05/133/16 od 20.09.2016. godine imaoce dozvole „ZLATA-TRANS“ d.o.o. Sarajevo, Semizovac mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 19.09.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tačaka 1. i 2. ovog rješenja.
4. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

### **O b r a z l o ž e n j e**

Dana 06.07.2020. godine FERK je pod brojem UP1-06-13-1-60/20 od podnosioca „ZLATA-TRANS“ d.o.o. Sarajevo, Semizovac primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-713/133/16, radi promjene vezane za broj transportnih jedinica potrebnih za obavljanje licencirane djelatnosti za koju je postojeća dozvola za rad (licenca) izdata.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 22. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10.

Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 17.07.2020. godine uputio Obavještenje o nedostacima podnesenog Zahtjeva za izmjenu i dopunu dozvole za rad (licence) za transport naftnih derivata drumskim saobraćajem pod brojem UP1-06-13-1-60-01/20 i odredio mu rok od osam dana radi otklanjanja uočenih nedostataka navedenih u obavještenju. Postupajući po navedenom obavještenju, podnosilac zahtjeva je dostavio dopis primljen u FERK 24.07.2020. godine pod brojem UP1-06-13-1-60-02/20, dopis primljen u FERK 24.08.2020. godine pod brojem UP1-06-13-1-60-03/20 i dopis primljen u FERK 26.08.2020. godine pod brojem UP1-06-13-1-60-04/20, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun.

Obzirom na to da su uz Zahtjev za izmjenu i dopunu dozvole za rad (licence) navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 21. Zakona o naftnim derivatima u Federaciji Bosne i Hercegovine odnosno iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je utvrdio da su ispunjeni uslovi za primjenu odredbe člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Na osnovu obrade Zahtjeva za izmjenu i dopunu dozvole za rad (licence) broj UP1-06-13-1-60/20 od 06.07.2020. godine podnosioca „ZLATA-TRANS“ d.o.o. Sarajevo, Semizovac i dokumentacije priložene uz zahtjev, izvršena je izmjena i dopuna Dozvole za rad (licence) za transport naftnih derivata drumskim saobraćajem broj 06-03-713/133/16, radi promjene vezane za broj transportnih jedinica potrebnih za obavljanje licencirane djelatnosti za koju je postojeća dozvola za rad (licenca) izdata. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, s tim da je period važenja dozvole za rad (licence) ostao nepromijenjen. Postavljeni uslovi uvažavaju potrebu, ali i obavezu „ZLATA-TRANS“ d.o.o. Sarajevo, Semizovac da u rokovima propisanim u uslovima dozvole za rad (licence) za transport naftnih derivata drumskim saobraćajem iste ispuni, u cilju zadovoljavanja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Mile Srdanović**

#### **Dostaviti:**

- „ZLATA-TRANS“ d.o.o. Sarajevo, Semizovac (poštom preporučeno uz dostavnicu)
- Federalnom ministarstvu energije, rudarstva i industrije (poštom preporučeno uz dostavnicu)
- Sektoru za tehničke poslove i licence